

孚惠全書

平惠全書卷十九

偏隅蠲緩八

乾隆二十五年正月初三日奉

上諭甘省上年夏田秋禾俱被偏災其較重之皋
蘭等十廳州縣及災重之靜寧等八州縣已降旨
分別加恩展賑其災輕之渭源等十七廳縣亦經
照例蠲緩賑卹並於春初借糶兼行以資接濟惟
念勘不成災處所夏田被旱改種秋禾小民已費
工本未免拮据著再加恩將所有春借籽種牛備
緩至麥熟後徵還仍於青黃不接之時的借籽種
口糧俾得盡力耕作至該省被災等處尚有無業
貧民艱於覓食者並著飭令地方官或設廠煮賑

或開工備作俾資鋤口以示體恤該部遵諭速行
四月二十五日奉

上諭晉省各屬內上年間有秋收歉薄州縣一應
民借倉穀例應於今歲麥熟徵還但該省迤北各
屬麥收俱在六月以後青黃不接為日甚長正需
糶借接濟若令新舊徵輸民力未免拮据著加恩
將陽曲代州崞縣應州懷仁陽高寧武七州縣除
成災村莊民欠新舊倉糧照例緩徵外其未成災
村莊並勘不成災之渾源廣靈天鎮左雲右玉平
魯祁縣徐溝文水等九州縣及秋收歉薄之偏關
神池忻州定襄繁峙五臺平定樂平太原太谷交
城等十一州縣所有新舊民借倉糧俱緩至本年

秋成後徵收還倉以紓民力該部遵諭速行

六月十二日奉

上諭上年江浙二省所有蠲緩漕糧其應行減歇船隻運丁例支一半月糧但念貧丁餬口未免拮据著加恩於應支一半月糧之外再行寬給一分以示體卹該部即遵諭行

八月初六日奉

上諭晉省連年歉收屢經降旨加恩緩徵今歲該省各屬晴雨均調夏秋二禾俱獲豐稔節年民借三倉穀石與本年青黃不接時出借穀石均應於秋收後催徵還倉即分年帶徵民欠地丁錢糧與現年新賦均應於秋後啟徵但念此等歉收處所

本年幸遇豐收正宜及時休養俾安樂利若令新
舊銀米一時並徵民力未免拮据著再加恩將二
十五年領借常義社三倉穀石分作三年帶徵至
分年帶徵舊欠各項地丁銀米亦著加恩本年暫
緩徵收總至明年秋後再行酌量徵還以紓民力
御製降旨緩徵晉省民間新舊欠項詩以誌事

庚辰

山右收成連年歉薄賑貸頻施時復屢念今歲
幸獲豐稔復慮民間新舊欠項頗多一時並徵
不免拮据因命將積欠地丁銀米及本年借出
常義社三倉穀石分限完納俾閭閻稍裕蓋歲
元氣漸復既頒明旨付之所司軫恤民艱永吉

成什

晉省今達年吾民稍蘇遂但念屢未豐災更重去歲借貸兼緩徵正供已不翅幸稔而並徵與遇歉何異是用惻隱心思施以次第五賦固應納其餘可除議常平及社倉且備十之二閭閻稍留餘底以復元氣方伯董有司善體予殷意

十七日奉

上諭河東夏間雨水稍多池鹽出產減薄本年新商配運已屬拮据所有舊時額引更難如期配銷著再加恩將二十四年額引展至來年六月清繳至二十二三兩年帶徵課項業經疊次加恩寬作三年分限徵銷例不應再為寬緩但念鹽池產薄

購運維艱商力未免竭蹶者將二十二年帶徵之項於來年十二月奏銷二十三年兩限帶徵之項於二十七、八兩年十二月奏銷其二十三年帶銷之引仍隨二十五、六兩年額引一併清銷以紓商力該部即遵諭行

乾隆二十六年五月初二日奉

上諭安徽省之宿州鳳陽等州縣衛節年未完各項銀糧應於二十五年完納以去秋間被偏災暫行緩至本年冬熟後徵收今該省二冬收成現在豐稔理應按數輸將但念新舊一時並徵民力仍未免拮据著再加恩將宿州鳳陽等處未完地丁正雜銀兩並漕倉銀米以及民借籽種口糧俱於

麥收時先徵一半其餘一半緩至秋成後再行徵
收俾小民得以從容輸納以示體恤該部遵諭速
行

八月十五日奉

上諭河南黃衛等河因秋初雨水過稠隄工多有
漫溢之處瀕河各屬被災較重已命大臣會同巡
撫等呈速查勘加意撫綏更念本年該省起運漕
糧當此田禾間段被淹即不被災地方徵辦亦未
免拮据而將來一切賑借平糶需米正多著加恩
將該省本年應運漕糧悉行停運所有成災州縣
分數輕重不同其有應蠲緩之項著該撫等一面
查明分晰具奏請旨現在均著暫行一體緩徵到

朕軫念災黎至意該部遵諭速行

九月十七日奉

上諭今歲山東清河各屬因雨水過多秋禾間有
被淹之處所有應徵新舊錢糧已查明分別蠲緩
而漕糧漕項例不在緩徵之內但念該處被水數
收若令照常完納恐民力未免拮据著加恩將被
災較重之曹縣城武二縣應徵本年漕糧及隨漕
銀米緩至壬午年再分作三年帶徵次重之金鄉
濟寧魚臺河澤單縣濮州定陶鉅野范縣陽穀壽
張德州館陶夏津武城邱縣臨清恩縣汶上嘉祥
等二十州縣除有收之地仍令照常徵輸外所有
被災地畝應徵漕糧漕項俱緩至壬午年再分作

二年帶徵以紓民力該部遵諭速行

十月初四日奉

上諭今秋河南祥符等州縣梓被水災已命欽差大學士等會同該撫查明撫恤其應徵錢糧照例分別蠲緩但各屬被災雖有輕重不同而收成既已歉薄民力自不免拮据著加恩將曾經報過被水之祥符等五十四州縣無論成災與不成災所有本年出借及遞年民欠未完常平漕社各項穀石均緩至明年秋收後免息徵還以紓民力該部遵諭速行

十三日奉

上諭今秋山東濱河州縣因堤岸漫溢田禾不無

被淹之處所有勘明成災地畝應徵額賦已照例分別蠲緩其勘不成災者定例不在蠲緩之內但念該處被水歉收民力完屬拮据著加恩將德州陵縣平陰寧陽堂邑博平茌平清平莘縣高唐高苑等十一州縣勘不成災地畝及齊河等四十三州縣衛所及被災五分以下地畝應徵本年未完地丁銀兩及各年未完銀穀籽種等項一體加恩緩至明年麥收後起徵以示體恤該部遵諭速行十一月十三日奉

上諭戶部議覆豫省漕糧漕項分別蠲緩一摺自屬照例定議第念該省今秋被水較重閭閻生計未免拮据自難概拘成例所有祥符等四十三州

縣漕糧漕項蠲緩分數著加恩准照侍郎奏日修等所請行餘依議

十二月初二日奉

上諭據吳達善等奏滇省江川等縣附近地方於十月初十等日均有地震之處而江川新興二屬較重現委道府各員照例分勘賑恤等語江川新興二州縣本年四月內地震已降旨於常例外從優撫恤今一年之內兩次被災頗重深堪軫念著加恩將該二屬應行賑恤之項加倍散給其乾隆二十六年分所有二州縣應納條公銀兩及撥運兵米等項並縣子蠲免至毗連之寧州河西等屬被災雖輕亦著從優撫卹該督等董率屬員實力

妥辦務俾災黎均霑膏惠該部遵諭速行

乾隆二十七年正月初四日奉

上諭安徽上年被災各屬視河南雖屬較輕但念被淹窪地陸續涸出處所現在難即翻犁播種將來麥收尚難預定民力未免拮据著加恩將此等災地漕糧漕項照豫省之例概行停緩分作三年帶徵以示軫念災黎至意

六月二十九日奉

上諭各省漕糧向例於交納正供外每石有應交倉餘米上年江蘇浙江各州縣中有因秋雨過多米粒潮潤者旗丁免運在途日久不無折耗若令照例交納回空未免拮据著加恩將松江九幫浙

江二十一幫應交納餘米緩其交納令於癸未年
新運一併帶交俾回空旗丁等食用充裕以示體
恤該部即遵諭行

八月二十二日奉

上諭今年直隸夏雨成澇濱水窪地田禾不無淹
損所有節年錢糧帶徵緩徵各屬內今年復被水
災之文安大城武清寶坻薊州天津及霸州保定
永清東安安州新安青縣靜海滄州寧晉津軍廳
十七州縣聽民力自屬拮据其應徵銀八萬二千
四百兩零穀豆高粱五千四百石零均予豁免以
示優卹至與災重州縣毗連本處復被水災之寧
河固安鹽山慶雲衡水五縣所有應徵銀二萬一

千五百餘兩黑豆高粱一百八十餘石亦著一體
蠲免該督其嚴飭所屬實力奉行務使窮民均霑
膏惠毋致吏胥中飽副朕嘉惠黎元至意該部遵
諭速行

十月二十五日奉

上諭本年浙省秋初曾被風潮收成不無歉薄之
處現今收漕在即各州縣交納米石必須乾圓潔
淨閭閻誠恐艱於完納著加恩將杭嘉湖三府屬
所有應徵漕糧准其舂糲並納紅白兼收小民易
於輸將以示體恤該部遵諭速行

乾隆二十八年正月初三日奉

上諭甘省河西河東各屬去歲間被偏災業經該

督撫等照例撫恤但念該省地土硠瘠在被災地
方固屬收成較薄即其餘各屬夏秋二麥豐歉不
一所有歷年借欠各項若概令一併徵還民力未
免拮据著加恩將甘省河西河東各屬歷年借欠
口糧籽種牛本等項均予緩至本年秋收後完納
俾小民鋤口有資得以盡力東作稱朕惠卹編氓
至意該部遵諭速行

二月十九日奉

上諭上年直屬各州縣被水較重所有成災六分
以上地畝應徵錢糧業經分別照例蠲緩其五分
以下勘不成災俱例不緩徵但念農民當積穀之
後輸將未免拮据著格外加恩將直屬曾經報災

雖勘明不足分數之地所有未完應徵錢糧俱予一概緩至秋成後再行酌量分別啟徵帶徵以紓民力該部遵諭速行

御製降旨再加賑直隸並達五分災民其不成災者亦與緩徵更命借籽種毋誤春耕

六分災者賑五分格於例新正命加賑五分極貧建然其次貧者尚未被予惠三月况期滿四月何為繼用某再沛恩善加一月暨五分極次貧均需俾無異康知課科法五分緩徵稅四分不成災仍有輸將事畿輔連歲歉民有日窮勢豈宜亟催呼重為吾民累勘不成災者概與緩徵既更慮東作候籽種猶艱貲子毋誤耕庶可有收企凡此示

大端推行在羣吏相與善補苴敬待西成賜

六月二十三日奉

上諭上年直屬偶被偏災屢經降旨將被災州縣
及與災毗連各屬分別蠲緩並令將緩徵帶徵
之項概緩至本年秋成後從收轉瞬即屆開徵例
應按期輸納因念今歲入夏以來雨澤應時二麥
均已收穫現在禾黍暢茂大田亦可望有秋但小
民蓄積數之餘元氣尚未能驟復若令新舊併徵
閭閻仍不免拮据著再加恩將應徵二十七年并
節年緩徵帶徵未完銀糧緩至來年麥熟後按數
徵收以紓民力該督其速飭所屬通行曉諭俾幾
輔農民豫聞此旨益加催慰於來時力作尤有裨

蓋該部即遵諭行

御製降旨直屬上年被災州縣應緩徵者今歲概
不徵收至來歲冬熟後的徵詩以誌意
獨緩有常例蓋視災重輕重獨不復輸輕緩應帶
徵連歲潦已甚溝壑憂未寧即災稍輕區毗連同
苦情冬收雖頗豐穀價猶未平禾稼北復佳轉眼
連西成誠恐值科吏正緩將并徵嗟哉瘡痍餘吾
民豈堪承正則不可缺舊緩可再聽概俟以未平
冬收其量行稠疊非市恩民艱心寄紫

八月初十日奉

上諭今年直隸各屬雨暘時若秋收頗為豐稔惟
近京各州縣中上年被水之區間有蝗蝻生發雖

經欽差大臣及地方官督率僕捕於禾稼不熟過
損而較諸他邑收成終恐稍減分數所有應徵額
賦若照例徵收民力完未免拮据著加恩將通州
三河固安霸州文安大城清苑安肅天津靜海滄
州青縣交河等十三州縣本年應徵錢糧俱緩至
來年麥熟後徵收俾農民蓋藏充裕以資生計該
部遵諭速行

十八日奉

上諭今歲直隸各屬秋收頗為豐稔前以近京各
州縣積歉之後元氣未能驟復業經降旨將本年
應徵錢糧緩至來年麥熟後徵收復念本年借欠
之籽種各項則均應及時運官而歷年借欠籽種

各項又須還納新舊並徵於閭閻生計仍未免拮据著再加息將霸州等七十七州縣自乾隆二十年至二十七年應徵歷年借欠未完常社等倉并米麥合穀七十五萬餘石於本年十月起分作三年帶徵以紓民力該部遵諭速行

九月十二日奉

上諭據蘇昌等奏廣西象州徭山地方七月初旬連日大雨山水驟發大樟等村莊廬舍間有被淹撫臣馮鈐已前往查勘撫綏並稱所傷田禾無幾勘不成災毋庸再予賑卹等語今歲粵西早稻豐收晚禾亦俱長發象州一隅被水雖據該督撫查明所傷田禾無幾竒不成災但倉猝被水之後小

民口食未免拮据除已照例撫卹外如有貧乏不能自存之戶仍著查明加恩賑卹務俾得所并將本年應徵糧賦酌量情形分別緩徵副朕軫念遑氓至意該部遵諭速行

二十二日奉

上諭據吳達善奏雲南江川通海寧州河西建水等五州縣去歲十一月內均有地震之處現已照例分勘撫恤等語江川等州縣此次地震壓損房屋較多民力未免拮据著將應行賑恤之項加倍散給所有五州縣應納條公銀兩及江川河西二縣撥運兵米等項並加恩概予蠲免該撫等務並率屬員實力奉行務俾災黎均霑膏惠毋令胥吏

侵蝕中飽副朕軫恤邊氓至意該部遵諭速行

四月初三日奉

上諭前以山東濟寧等七州縣衛湖河北畝上年間有被淹之處業經降旨展賑其出借籽種等項倒應於本年麥熟後徵還現在該省春雨霑足二麥可望豐收但念民氣初復正資麥熟接濟著加恩將濟寧等州縣衛所有借給籽種俱緩至本年秋後再行徵收以紓民力該部即遵諭行

乾隆二十九年正月初五日奉

上諭去年直屬通州等十三州縣內間有蝗蝻生發當經降旨將上年應徵錢糧俱緩至本年麥熟後徵收第念該州縣等雖勘不成災而秋收亢為

歉薄惟望麥秋以資接濟遽令新舊並輸民食仍
恐未能充裕著再加恩將通州三河固安霸州文
安大城清苑安肅天津靜海滄州青縣交河等十
三州縣所有二十八年分應徵錢糧俱緩至本年
秋成後徵收以紓民力該部遵諭速行

御製降旨緩徵直隸去歲勘不成災州縣應徵賦

稅詩以誌事

甲中

畿輔昨游饑賑貸屢熟等賑則既與民貸應達稔
酬

皇天慈萬民去歲幸有秋即厘備無力緩許登米
牟而何秋出埋亟命勤捕搜雖稱不為災蹂躪寧
免不新正當佈恩此正所宜明一十三州縣皆曾

螟螣投舊貸及新俱概令遲呼求庶幾事春耕閭閻餘力留一以愧幕調一以懷井收

乾隆三十一年正月初四日奉

上諭前因山東省濟南武定等屬偶被偏災業經加恩分別撫綏其被災稍重之齊河等十五州縣復於例賑之外展賑一月至勘不成災處所錢糧雖倒不得停徵但念毗連災地收成不免歉薄小民生計亦未能裕如著加恩將濟南府屬之陵縣東昌府屬之莘縣青州府屬之博興縣所有應徵錢糧俱緩至麥熟後徵收以紓民力該部遵諭速行

十月二十四日奉

上諭今年山東歷城等州縣偶被偏災業經降旨
令該撫詳悉查勘加意賑恤毋致窮黎稍有失所
但念該處毗連災地及勘不成災之地畝村莊秋
收究屬數薄若新舊錢糧照常徵輸閭閻未免拮
据朕心深為軫念著將歷城等五十九州縣衛及
勘不成災之泰安青城單縣三縣凡毗連災地收
成稍歉之處所有本年應徵帶徵錢糧及民借銀
穀等項並著加恩一體緩至明歲麥熟後徵收以
紓民力該部遵諭速行

乾隆三十二年九月二十七日奉

上諭山東海豐霑化樂陵商河陽信清平高唐恩
縣夏津章邱鄆平德平等處因本年雨水過多秋

收稍薄業經借給麥本口糧俾資播種第念該處
積年歉收帶徵銀穀為數較多若新舊並徵輸將
未免拮据著加恩將海豐等十二州縣所有本年
應帶徵三十三十一兩年舊欠地丁錢糧及各年
民借未完倉穀麥本等銀俱緩至明年麥收後開
徵以紓民力該部遵諭速行

乾隆三十三年七月二十日奉

上諭高晉奏上下雨江地方本年五六月間雖間
得雨澤未能一律普遍近水低田尚可車引高阜
之區難於屏灌時已立秋不能趕種雜糧等語所
奏為時太遲已於摺內批飭矣朕於農田晴雨常
厪肝宵每諭各督撫隨時入告冀得周知薄海民

生休戚早施補助今雨江夏雨愆期地方政務執
有要於此者該督等所司何事豈竟漠不勗念不
及早據言上聞乎至該處水鄉窪地可引溉蒔秧
者收成自不致歉薄其高田山阜趕種既逾節候
恐不免有偏災朕心深為軫念著該督撫迅速查
明通省各屬有被旱成災應行賑恤之處即行董
率屬員實力妥協查辦毋使閭閻稍有失所以副
朕惠愛黎元至意仍一面將辦理實在情形速為
覆奏其應緩徵者即行緩徵以紓民望該部即遵
諭行

九月初七日奉

上諭山東省樂陵商河德平三縣上年因雨水過

多秋成歉薄降旨將應徵積年舊欠緩至本年麥收後開徵今春該處得雨較遲夏麥秋禾收成仍不無稍減若新舊一時並徵小民未免拮据著再加恩將樂陵商河德平三縣應徵完節年舊欠銀穀等項緩至明年麥熟後帶徵以紓民力該部遵諭速行

初九日奉

上諭河南省各屬本年夏間得雨較遲光州等七屬被有旱災業經該撫題報分別確勘照例撫恤其餘開封府屬之蘭陽儀封密縣歸德府屬之考城彰德府屬之安陽湯陰衛輝府屬之延津滑縣懷慶府屬之修武武陟原武共十一縣秋成僅止

六分現在徵收漕糧之期所有春借常社等倉穀石若一時並輸小民未免難於完納若加恩將蘭陽等十一縣民借常社等倉穀石俱緩至次年秋後徵收以紓民力該部遵諭速行

十二月十九日奉

上諭據彰甯奏審擬江陰縣保正沈添益等欲圖熟田緩徵聚眾開堂一摺已批三法司核擬速奏矣摺內有詢據該犯糾約四鎮保正同眾挾制縣官其丁豎桃花利城三鎮均已隨同赴縣獨前周一鎮並無入聽從入城等語鄉民散處村落良莠本屬不齊犯法者必懲安分者當獎刑賞一秉大公各隨其所自取此案不法奸民已按律定擬

其並未隨行附和之前周鎮保正民人等奉法不敢為非甚屬可嘉著彭寶即行確查將保正的量加賞該鎮民人所有本年應完漕米加恩特予緩徵仍將此出示曉諭使知滋事匪徒不能幸逃竄與此外能知大義皆吾善良赤子原不惜格外施恩優加體恤庶衆人共知激勵並將此通諭知之

平惠全書卷二十

偏隅蠲緩九

乾隆三十四年正月初四日奉

上諭湖北省安陸雲夢等州縣上年得雨稍遲收成不無歉薄已分別加恩蠲緩照例賑卹即勘不成災之州縣衛所田地亦經將應徵錢糧緩至麥收後啟徵今念該省尚有京山隨州二處雖俱勘不成災而高阜之區秋收顆粒不及往年小民口食未免仍多拮据著再加恩將京山隨州應徵乾隆三十三年屯餉錢糧一體緩至麥熟後徵收並酌借籽種口糧以紓民力該撫等其即率屬妥協經理俾窮黎均霑膏惠剋期軫念閭閻至意該部

遵諭速行

八月二十日奉

上諭江南海州所屬鹽場地方本年春夏雨水稍多稻秫未免歉收所有該屬上年借給口糧一萬餘石若照例催徵竈力不無拮据著加恩緩至明年麥熟後徵收以示體卹該部即遵諭行

十月十八日奉

上諭據方世儒奏湖南澧州武陵等七州縣本年夏間雨水稍多下田浸溢業經借給籽種補種晚禾其中澧州武陵等五州縣收成俱稱中稔惟華容安鄉二縣種植稍遲秋收較薄若將本年下半錢糧照舊催徵民力不無拮据等語該二縣既已

歉收小民生計自多竭蹶者將華容安鄉二縣被水補種歉收地故應徵本年下半錢糧緩至來年秋成後一併起徵以紓民力該部遵諭速行

二十七日奉

上諭據吳紹詩奏南昌新建進賢鄱陽餘干都昌建昌等七縣連年被水所有帶徵漕糧及本年應徵之項一時力難並納等語南昌等七縣數年來節次被有偏災農民自多竭蹶著加恩將被災處所帶徵三十二年未完漕糧及三十四年應徵之糧統緩至明年秋收後分作三年帶徵完納以紓民力該部遵諭速行至災地應緩漕糧事關閭閻生計地方官承辦要務執切於此吳紹詩何不早

為籌畫及時入告今屆十月之杪州縣徵糧已將一月所奏殊屬太遲是吳紹詩平日全不以民事為事茲因離任在即知更無可諉始以一奏塞責殊屬非是吳紹詩著交部議處

乾隆三十五年三月三十日奉

上諭據富尼漢奏河南省彰德衛輝懷慶三府屬入春以後雨澤稀少二冬未能慨望有收等語彰德等三府所屬地方連年秋收未能豐稔本年二冬收成又恐歉薄當此青黃不接之時小民生計不無拮据著加恩將安陽湯陰臨漳林縣內黃汲縣新鄉輝縣獲嘉淇縣延津滑縣濬縣河內濟源修武武陟孟縣原武等十九縣所有乾隆三十四

年錢糧未完民欠并安陽湯陰汲縣新鄉獲嘉淇
縣等六縣所有乾隆三十四年帶徵三十三年錢
糧未完民欠均緩至本年秋後徵收以紓民力該
部即遵諭行

六月十六日奉

上諭據文綬奏興安州江水漫溢灌入舊城冲損
官署民屋浸岸并有淹斃人口等語看來興安州
此次被水情形較重該撫既經親往查勘即著就
該處情形酌量蠲例撫卹務率屬實力妥辦毋致
稍有失所至摺內所稱間有淹沒地畝現今補種
齊全毋庸借給籽種但思貧民甫經被水之後即
補種晚田秋成亦不無稍歉輸將未免拮据所有

本年應徵地糧著加恩准予緩徵俟明年秋成後照例徵收以紓民力該部遵諭速行

九月十五日奉

上諭豫省河內武陟二縣本年夏間因沁河漫溢被淹地畝較多雖現在收成通計尚有七分而低窪之區不免歉薄窮民究屬拮据著加恩將該二縣被水卹莊所有舊欠乾隆三十三四兩年地丁銀糧及借欠倉穀並今春所借籽種口糧均緩至明年秋後徵收以紓民力至武陟縣貧乏戶口未種秋麥之地著每畝賞借籽種銀六分並於十一月內賞恤一月口糧俾資接濟其河內縣代民搶築尋卹隄工銀兩亦照舊例勻攤各里分作十年

徵運歸款該撫務須率屬齊心經理俾窮黎均霑
膏惠該部遵諭速行

十月初一日奉

上諭今歲江蘇省收成豐稔據該督高晉等查奏
各屬具報十分收成者至四十八州縣之多惟江
浦丹陽山陽阜寧海州等五州縣間有一隅被水
收成稍歉之區以通省而計尚不足十之二三念
該省雖獲豐登而此五州縣秋成稍減各該處均
有緩帶舊欠若將新舊錢糧與豐收之戶一體輸
納民力未免拮据著加恩將江浦等五州縣被水
稍歉處所除本年錢糧照例完納外所有緩帶舊
欠銀米統行緩至來年冬熟後開徵以紓民力該

部遵諭速行

初五日奉

上諭今歲東省齊河等十七州縣衛間有被水卹莊業經諭令該撫查明撫卹其勘不成災之章邱等十三州縣及齊河等十七州縣衛毗連災地之處雖田禾被淹甚輕民力完未免拮据所有章邱等十三州縣勘不成災地畝及齊河等十七州縣衛毗連災地之處應徵本年錢糧及帶徵各年錢糧與民借銀穀著再加恩俱緩至明歲麥熟後徵收以紓民力該部遵諭速行

乾隆三十六年三月二十四日奉

上諭豫省河北彰德懷慶衛輝三府上歲雖屬有

秋而前次連年收成歉薄去夏二麥又復減收民間元氣未能驟復現屆開徵之期若將節年緩徵地丁及借欠銀糧令其新舊同時輸納民力未免拮据若加恩將安陽湯陰汲縣滑縣濬縣輝縣新鄉延津獲嘉河內武陟修武濟源等十三縣未完乾隆三十三四兩年緩徵地丁銀十二萬三千四百九十五兩零並獲嘉武陟河內濟源修武原武等六縣未完三十五年借給籽種銀三萬二千一百六十五兩零及未完口糧銀二萬六千一百六十一兩零未完穀一萬二千四百四十二石零均以本年為始分作三年帶徵俾小民完課寬舒追呼無擾該撫等並率所屬實力辦理副朕惠愛閭閻

閩王意該部遵諭速行

十月初六日奉

上諭今年東省歷城等五十州縣衛所場秋禾間被水淹業經諭令該撫照例分別撫賑蠲緩其勘不成災及毗連災地之處雖被淹較輕而收成不無歉薄民力究未免拮据深為厯念著再加恩將長清等十四州縣衛勘不成災地畝及歷城等五十州縣衛所場毗連災地之處應徵本年錢糧及帶徵各年錢糧與民借穀石俱緩至明歲麥熟後徵收以紓民力該部遵諭速行

乾隆三十七年二月十四日奉

上諭直隸省上年瀕河州縣間被偏災當即降旨

發帑出粟多方賑卹今歲新正復將亢平等二十四州縣加恩展賑一月俾災黎口食有資接濟今者省視近郊目覩邨墟寧謐雖不致於夫所第念被災較重八分以上之各州縣其中毗連地故勘不成災者格於成例不得同霽愷渾朕思災數州縣即在八分以上其不成災邨莊雖屬有收而左右前後閭里緩急相通事所必有若照例徵輸情形未免拮据現在開徵屆期若再加恩將亢平等鄉涿州東安永清固安霸州文安大城通州寶坻香河武清新城雄縣天津靜海寧晉保定三河薊州寧河豐潤玉田等二十四州縣內勘不成災各戶應納錢糧予以緩至本年秋成後徵收以紓民

力該部即遵諭行

御製降旨緩徵去歲被水州縣中之不成災部莊

詩以誌事

任

夏訪度休助所重春省耕體貼小民艱尚有待施行譬之一郡內高下本不平下者被水滂高者原收成有司細勘災一定遵章程滂則議蠲賑收則當輸徵不能為權宜均俾官租停然予為之思總在一郡并左右及前後皆災那獨亭間里責任卹緩急相通情衆寡一必寬催科安可仍降旨廿四郡宛平涿州等二十四州縣潮河部莊被災八分地畝勘不成災者例不能一體蠲恩因思災地既在八分以上其不成災村莊雖屬有收而左右前後間里緩急相通事所必有若照例徵輸未免拮据因降旨緩至本年秋成後徵收以紓民力概

待秋後徵所以紓民力惟以竭吾誠

八月初五日奉

上諭上年直隸秋雨過多亢平等二十四州縣被災較重節經降旨分別蠲賑並將蠲剩錢糧分年帶徵卽此二十四州縣內之毗連災地應徵錢糧亦格外加恩緩至秋後徵收今歲幾輔自春夏以來雨暘時若麥收既獲豐登秋稼並臻大有寄為數年來所僅見茲將屆間徵節年緩帶銀米閭閻自皆踴躍輸將但念昨歲災地貧民元氣初復宜益加培養以冀盈寧所有乾隆三十三四等年帶徵錢糧數尚有限自可按例輸納至三十六年緩徵銀糧為數稍多若令新舊同時並徵恐民力尚

未免拮据朕心深為軫念著再加恩將宛平良鄉
涿州東安永清固安霸州文安大城通州寶坻香
河武清新城雄縣天津靜海寧晉保定三河薊州
寧河豐潤玉田等二十四州縣被災額剩及毗連
災地處所應行緩徵三十六年分銀兩穀豆概緩
至冬熟後再行啟徵俾小民生計益臻寬裕以副
朕愛養優恤之至意該部即遵諭行

御製命再緩徵直隸去歲被災州縣詩以誌事長士

麥稔秋成更卜佳今歲畿輔自春夏以來雨暘時

若麥既豐收秋成復可冀人有

肯綮催厘惻懷往歲本輕聽並納去年秋雨過多

宛平等二十四

州縣被災較重節次加恩蠲賑並將毗連災地應

徵之賦亦緩至秋後輸將念此各州縣元氣初復

若新舊同時並納未免拮据其帶徵之戊子乙丑
庚寅三年尾數有限無妨按例兼收至三十六年
建徵銀糧為數稍多特降旨緩至未
年奉徵後再徵俾民力並滋寬裕
昨午特重予
推排毗連處所既延及期並閭閻裕象諧

乾隆三十八年正月初五日奉

上諭上年各直省秋成普慶豐收即奉天各屬亦
臻大有始和之布毋庸更沛恩膏惟念盛京各城
旗人節欠餘地租銀自乾隆三十一年至三十七
年計六萬餘兩原係該旗人等節年拖欠值此年
豐力裕自應踴躍輸將第積欠一時並徵恐不免
稍形拮据著加恩分作六年帶徵俾完公更得從
容而生計並滋饒給以副朕體恤嘉惠至意該部
即遵諭行

四月二十八日本

上諭前據高晉等奏黃河北岸安東縣十堡汎地
方因湖水盛漲會黃下注致使工坐墊漫水當經
搶築斷流因念開放王營減壩漫下之水漸河田
畝被淹春收恐不免稍減隨諭令高晉等確查漫
水邨莊有無成災之處卽照例妥辦奏覆茲據高
晉等奏到自漫口斷流之後天氣久晴漫水漸次
涸出高田仍各有收邨民不致失所惟被水低田
春收未免失望廬舍移徙不無稍形拮据等語著
加恩將清河桃源安東三縣及大河淮安二衛被
淹之戶撫恤一月口糧以資接濟仍與被水較輕
之山陽阜寧海州三州縣查明無力農民酌借口

糧籽種俾資補種所有被水各州縣應徵新舊錢糧並著緩至秋成後分別催徵以紓民力該督等其董率所屬實力辦理務令均霑膏惠以副朕軫念災黎之至意該部即遵諭行

六月初八日奉

上諭據裴宗錫奏鳳陽府屬之鳳陽壽州鳳臺懷遠靈璧虹縣等六州縣泗州及所屬之盱眙五河二縣並鳳陽長淮泗州三衛因本年春夏雨澤較多湖河盛漲以致沿河地畝被淹而鳳陽泗州盱眙五河四州縣長淮泗州二衛較重現在分別查辦等語此等瀕臨湖河之州縣衛被水情形雖各不同並據稱上年豐稔之後家有蓄藏民力不致

十分拮据但二麥既已失收若消涸稍遲者不及補種秋禾民食未免稍歉著該撫查照被災輕重酌借口糧籽種以資接濟所有折舊錢糧並著照例緩徵該撫其董飭所屬實力經理務令均需實惠該部即遵諭行

九月十一日奉

上諭據何燭奏南陽府屬之淅川內鄉二縣本年七月因上游山水陡發浸溢兩岸早晚秋禾被沖淹損收成較薄並間有沖塌民房之處核計通縣被災俱在十分之一等語本年豫省據報夏秋一律豐稔惟淅川內鄉境內偶被山水所浸雖一隅偏災農民不無向隅該撫據實奏聞所辦甚是著

加恩將浙川內鄉二縣被水稍重貧戶照例賑恤
仍查明應徵錢糧分別蠲緩其應酌借籽種口糧
者並著妥速辦理俾得及時種麥以冀春收該撫
其董率印委各員確核妥辦務使小民均霑實惠
又據奏汝寧府屬之正陽確山二縣地畝七月下
旬稻禾被風黃萎不免歉收等語該二縣旱田均
屬豐收稻田猝被風損民力亦不無拮据並著加
恩將正陽確山二縣被風災戶未完本年錢糧七
千八百餘兩倉糧四千三百餘石均緩至明年麥
熟後徵收以紓民力該部遵諭行

御製河南巡撫何燭奏報正陽等四縣被災降旨

加意撫恤並誌以詩

已癸

秋成早報十分論風水為災再乞恩報先是何謂奏
秋成分數均在九分以下且有大風田傷損而
正陽確山二縣亦於七月間山水陡發湖河村莊
田廬被淹計各成災地畝雖不過一偶中之一偶
而間閭完木免估據不敢因已報豐收將寄在情
形垂於上聞謹就被水被風之輕重請分別蠲賑
如政體隨照所請降旨如恩期不致一能體朕心深
體我愛民有如是嘉伊知政更何言累輕稍重各
善酌優賑緩徵均撫存申命有司勤審察索教惠
澤遍窮村

十月十三日奉

上諭河陽州衛有被水皖田補植較遲收成稍歉
者若與熟田一體徵收小民未免拮据著加恩將
該州縣衛補種數地畝今歲應完下半年錢糧

緩至次年春熟後徵收以紓民力該部即遵諭行

乾隆三十九年正月初四日奉

上諭上年據勒爾謹奏臯蘭等十州縣等處地方
所屬卹莊夏秋二禾間被霜雹已成偏災當即令
該督將應行賑恤蠲緩各事宜照例妥辦特念甘
省地瘠民貧臯蘭等處既屬歉收恐新春青黃不
接時民力未免拮据復諭勒爾謹將被災各處應
否加賑之處迅速確查具奏茲據該督覆稱甘省
夏秋二禾通屬收成八分有餘均為豐稔其間被
霜雹等處僅屬一隅業已蠲賑兼施小民不致失
所惟河東之臯蘭金縣河西之肅州平番等四處
偏災情形稍重等語著加恩將臯蘭金縣肅州平

各等屬被災貧民於正賑之外各展賑一個月再
河州狄道渭源安定西寧大通紅水縣丞等七處
上年亦被有霜雹雖據稱因項畝零星例無賑恤
第念瘠薄之區民間鮮有蓄藏亦宜加以體恤並
著該督查明咨部量予緩徵以普一視同仁之至
意該部即遵諭行

五月初八日奉

上諭自四月下旬以來尚未得有透雨朕心深為
廑念著總督周元理即速確查所屬州縣有因雨
澤稀少以致麥苗分數歉薄者即奏明將應徵新
舊錢糧緩至秋成後再行開徵以紓民力該部即
遵諭行

八月二十八日奉

上諭據高晉等奏八月十六七等日黃河水勢陡
長又連日雨大風狂所有南岸老壩口迤下隄工
於十九日子時漫溢過水約七十餘丈大溜全注
缺口由山子湖下達馬家灣射陽湖歸海附近之
板牆淮安一帶俱被水淹居民房屋人口間有坍
損等語今年黃水屢經陡長均經搶護有方此次
因上游驟漲兼之連日風雨以致隄工漫溢淮安
一帶間有被淹之處朕心深為軫念幸高晉現在
該處防汛著卽會同吳嗣爵迅速調集工料上緊
堵築以資捍衛其被水之邨莊戶口並著該督撫
卽速確查加意撫卹分別蠲賑毋致瀕水窮黎稍

有文所其疎防之文武工員俱著照例查叅交部議處高晉吳嗣爵著從寬免其察議

九月二十日奉

上諭前據高晉等奏八月十九日因黃水驟長外河老壩口迤下隄工漫口七十餘丈板牆淮安一帶俱被水淹居民房屋人口間有坍塌當即諭令高晉吳嗣爵薩載迅速鳩工堵築復屢次傳諭該督撫將各屬被災卹卹莊戶口迅速確查應行分別撫卹蠲賑事宜妥為經理第念該處猝遇水災被淹情形較重朕心深為軫念著加恩將被水之山陽清河二縣及漫水下注之鹽城阜寧二縣所有乾隆四十年應徵錢糧全行豁免以示體卹冀其

元氣早復其享安恬其應行撫卹賑濟各事宜仍
著遵照前諭詳悉奏聞請旨該督撫其董率所屬
迅速妥協經理務俾窮黎均霑膏惠以副朕優恤
無已之至意該部遵諭速行

十月初三日奉

上諭前以淮安老壩口黃水驟漲漫溢隄工該處
被淹情形較重因降旨將山陽清河鹽城阜寧等
縣乾隆四十年應徵錢糧全行豁免並諭該督撫
將應行撫卹各事宜詳晰奏聞請旨今據吳嗣爵
等奏漫口現已合龍災民可早冀得所惟念被浸
之後雖經疊加蠲賑民力尚不無拮据朕心深為
廑念著再加恩將山陽清河鹽城阜寧四縣並淮

安大河二衛所有本年漕糧漕項銀米一體按分
蠲免其應徵乙未年漕糧漕項並著同節年舊欠
錢糧漕米概行緩至明年秋成後徵納該督撫其
董率所屬寄心經理務使窮黎益霑渥澤以副朕
有加無已之至意該部遵諭速行

初三日奉

上諭逆賊王倫攻擾臨清其新城居民隨同地方
文武盡力守禦得以保護無恙甚屬可嘉且據賊
固守半月餘作息經營不無荒廢生計未免拮据
前已傳諭該撫查明入告酌量加恩今逆匪現已
勦除自應即數惠澤所有臨清新城居民本年應
徵錢糧已納若干未納若干從前有無借欠未完

之項並著楊景素查明奏聞再降諭旨至舊城居民有甘心從賊抗拒官兵者自應同賊駢誅其為賊供役之人即未拒敵亦當分遣新疆烟瘴以示懲儆其與賊混處日久見官兵一到即行役歸者准照脅從罔治已屬寬典自未便復令邀恩惟據楊景素奏現在居民紛紛挈眷還鄉此等自係舊城百姓聞賊至即攜家逃避者皆係守分善良事平後復還故土而舊居闌闌或為賊匪焚燒或因攻賊殘燬生業蕭條室廬蕩析殊堪憫惻自應一體加恩量為蠲復又壽張堂邑陽穀三縣經賊擾害除現仍安居之戶無庸查卹外其賊匪入城或人被賊賊或屋被賊燬及家計為賊搶掠者亦為

可憫其應如何分別撫綏之處並著楊景素妥速查明具奏候朕另降恩旨以示軫恤該部即遵諭行

十二日奉

上諭逆賊王倫等糾眾攻擾臨清等處經舒赫德等統率八旗勁旅徧月即為勦平其新城居民能隨同地方文武盡力守禦殲賊保護無恙實屬守義可嘉至舊城居民賊至遽避事平罕春還鄉者皆係守分良民至廬蕩析生業未免蕭條又壽張堂邑陽穀三縣或人被賊賊或屋被賊燬及家計為賊搶掠者均堪憫惻降旨令該撫查明具奏候朕降旨加恩今據該撫楊景素據實分別查明覆

奏著加恩將臨清新城內本年應徵地丁漕項錢糧除已完外所有未完銀三千六百四十三兩零全行蠲免以獎善良其舊城內寄係良民未從賊者所有本年未完錢糧七千一百五十九兩零並著加恩蠲免十分之五至臨清城外被賊擾害鄉莊並壽張陽穀堂邑三縣城鄉經賊被害之處所有本年應完正賦並帶徵之項及臨清舊城蠲剩錢糧概行緩至明歲秋收後起徵以蘇民困至臨清壽張陽穀堂邑城鄉等處民間貯蓄多被賊匪搶掠小民無力辦糧並著將該四州縣守城及城鄉被害之戶所有本年應徵漕糧俱緩至明年秋收後起分作兩年帶徵俾歲內民食得以寬裕該

督其董率妥為經理以副朕矜恤安良至意該部
遵諭速行

乾隆四十年正月初三日奉

上諭甘肅僻近西陲民貧土瘠一遇水旱徧災即
降旨蠲賑殆無虛歲比年各屬收成尚稱豐稔所
有該省自乾隆二十三年至三十五年民借籽種
口糧牛本等項積欠甚多前念邊地民食艱難特
將積欠糧四百餘萬石全行豁免其折色銀一百
三十二萬餘兩分作六年帶徵以紓民力乃自三
十五六七八等年僅完銀二十八萬六千餘兩仍
未完銀一百四萬餘兩地方官以定有年限之項
照例按數催徵第念該省每年均有應徵地丁籽

糧等項若同時新舊並徵民力恐不無艱窘自應
再加區別展限帶徵以昭體卹所有河州等二十
五處歷年雖間有災傷不過一隅收成尚稔其未
完銀十三萬六千八百餘兩仍依原限帶徵外其
寧遠等十二處雖有偏災尚不至荒歉其未完銀
十八萬四千六百餘兩於原限之外再展限二年
至皋蘭等十二處歷年被災稍重民力更覺拮据
其未完銀七十一萬九千餘兩於原限之外再展
限四年俾得從容完納該督務將應徵應緩之處
出示曉諭令小民共知朕格外加恩之上意該部
即遵諭行

三月初四日奉

上諭上年順天河間天津等屬偶被偏災其勘明
成災之霸州文安大城寧河天津青縣靜海滄州
南皮鹽山慶雲獻縣交河東光武強武邑十六州
縣及毗連災地之景州河間肅寧阜城四州縣所
有乾隆三十九年分應徵錢糧已照例緩至今年
麥熟後開徵今歲春雪優霑二麥可望豐稔但昨
秋歉收之地雖有麥熟接濟未必能俯仰裕如即
毗連災地之區亦當使之稍有寬裕以備貧家緩
急著加恩將二十州縣無論成災及毗連災地應
徵上年錢糧概緩至本年秋成後徵收俾得從容
完納間閭生計益紓以副朕惠愛畿民至意該部
卽遵諭行

御製降旨後徵直隸上年被災及毗連災地州縣
錢糧並截留漕米十萬石酌補倉儲詩以誌

事紀

地方大吏迎鑾騶召見丁寧政務諏京兆幸因
連歲稔熟南穀已沐恩稠被歲天津河間等屬偶
復於新正加恩將成災之天津等十六州縣加賑
亦一體加賑俾比鄰仍與徵從緩天庾還教截以
留周元理以迎鑾至行在召見詢及地方情形奏
接濟卽毗連災地之處亦宜使之稍有寬餘以資
甯家緩急因降旨將上年成災及毗連災地之二
十州縣應徵錢糧概緩至今年秋成後輸將以紓
民力又奏天津河間各屬倉糧因賑動用者例應
百補恐採買過多致昂市值特諭截留豫爾我責
東漕米十萬石於北倉聽該督領運補額
惟在民莫謾誇豐豫忘勤求

平惠全書卷二十